



Općinski načelnik

Na osnovu/temelju člana/članka 38.Statuta Općine Busovača-prečišćen tekst ("Službeni glasnik Općine Busovača", broj: 8/13), Općinski načelnik, d o n o s i

PRAVILNIK O STIPENDIRANJU STUDENATA U AKADEMSKOJ 2023/2024. GODINI

I. OSNOVNE ODREDBE

Član/Članak 1.

Ovim Pravilnikom utvrđuje se; konkurs/natječaj, postupak po prijavama, kriterij za dodjelu stipendija, donošenje i objavljivanje prijedloga prioriteta, postupak po prigovoru, donošenje konačne odluke i potpisivanje ugovora o stipendiranju i odgovornost za nezakonito postupanje.

Član/Članak 2.

Budžetom/Proračunom Općine Busovača planirana je dodjela 40/četrdeset/stipendija od toga 2 /dvije/ stipendije na prijedlog Sportskog saveza općine Busovača.

Stipendija, u smislu ovog Pravilnika, predstavlja novčanu pomoć dodijeljenu studentu koji se prijavio na raspisani konkurs/natječaj za dodjelu stipendija (u daljem tekstu: konkurs/natječaj), te je istom u skladu sa propisanim kriterijima izvršena dodjela stipendije.

Član/Članak 3.

Kriteriji za odabir studenata kojima će biti dodijeljena stipendija, u smislu ovog Pravilnika, su oni kriteriji na osnovu/temelju kojih je Komisija/Povjerenstvo za provođenje konkursa/natječaja (u daljem tekstu: Komisija/Povjerenstvo) izvršila odabir prijavljenih studenata i sačinila prijedlog prioriteta.

Član/Članak 4.

Stipendist, u skladu sa ovim Pravilnikom, je student redovnog/redovitog studija na nekom od fakulteta u BiH ili inostranstvu/inozemstvu, koji ima prebivalište na području općine Busovača, koji se prijavio na raspisani konkurs/natječaj, te zadovoljio kriterije predviđene ovim Pravilnikom, na osnovu čega je sa Općinskim načelnikom potpisao ugovor o dodjeli stipendije.

II. KONKURS/NATJEČAJ

Član/Članak 5.

Konkurs/Natječaj za dodjelu stipendija raspisuje se početkom kalendarske godine za tekuću akademsku-studentsku godinu.

Konkurs/Natječaj raspisuje Općinski načelnik, a provodi ga Komisija/Povjerenstvo koju isti imenuje.

Konkurs/Natječaj ostaje otvoren 15 dana od dana objavljivanja konkursa/natječaja na oglasnoj ploči Općine Busovača.

Član/Članak 6.

Uslovi/Uvjeti prijave na konkurs/natječaj iz člana/članka 5. utvrđeni su u skladu sa ovim Pravilnikom.

Član/Članak 7.

Pravo na dodjelu stipendije ne može imati student koji je u tekućoj studijskoj godini na istom ili drugom fakultetu ponovo upisao istu godinu studija, student - apsolvent, studenti koji su smješteni u studentske domove u BiH /izuzetak su studenti koji su smješteni u studentske domove izvan BiH, budući da se smještaj u studentske domove izvan BiH ne finansira iz budžeta/proračuna kantona ili općine Busovača, student koji prima stipendiju nekog drugog davaoca u BiH ili inostranstvu/inozemstvu, vanredni studenti, studenti koji na dan objave konkursa/natječaja navršavaju 26. godina života.

III. POSTUPAK PO PRIJAVAMA

Član/Članak 8.

U skladu/sukladno sa raspisanim konkursom/natječajem za dodjelu stipendije i podnesenim prijavama, Komisija/Povjerenstvo je dužna zaprimiti pristigle prijave i izvršiti provjeru njihove potpunosti i blagovremenosti.

Član/Članak 9.

Nepotpune i neblagovremene prijave neće biti uzete u razmatranje.

Nepotpune prijave su one, koje su predate bez potrebne dokumentacije navedene u konkursu/natječaju, a neblagovremene su one koje su zaprimljene na protokolu Općine ili putem pošte nakon zatvaranja konkursa/natječaja.

Član/Članak 10.

Nepotpune prijave mogu se dopuniti, pod uslovom/uvjetom da nije protekao rok za podnošenje prijava.

Komisija/Povjerenstvo je dužna takvu dokumentaciju zaprimiti radi dopune prijave, te istu zajedno sa već podnesenom dokumentacijom uzeti u razmatranje.

Član/Članak 11.

U postupku po prijavama, Komisija/Povjerenstvo je dužna pridržavati se kriterija iz člana/članka 12. ovog Pravilnika, a u slučaju sumnje u vjerodostojnost priložene dokumentacije, može izvršiti dodatnu provjeru istih, po službenoj dužnosti.

IV. KRITERIJI

Član/Članak 12.

Kriteriji po kojima se vrši odabir studenata po pristiglim prijavama su :

1. Socijalno stanje

Socijalno stanje kao kriterij, odnosi se na broj članova porodice/obitelji, tako što se bodovanje, s obzirom na broj izdržavanih članova, vrši na slijedeći način:

- porodica/obitelj sa jednim izdržavanim članom boduje se sa 1 bodom
- porodica/obitelj sa dva izdržavana člana boduje se sa 2 boda
- porodica/obitelj sa tri ili više izdržavanih članova boduje se sa 4 boda.

2. Godina studija

Godina studija, kao kriterij, boduje se na slijedeći način:

- Prva godina 2 boda
- Druga godina 4 boda
- Treća, četvrta, peta i šesta godina 6 bodova

3. Materijalni položaj

Materijalni položaj, kao kriterij za dodjelu stipendija, podrazumijeva svaki prihod jednog domaćinstva, odnosno njegovih članova porodice/obitelji koji ostvaruju primanja na osnovu plate, penzije/mirovine, primanja od zakupa, primanja na osnovu braniteljsko-invalidske zaštite/skrbi, primanja od ratnih i vojnih odlikovanja, dopunske djelatnosti, naknada i sl.

U ovaj kriterij se ne ubrajaju davanja na ime socijalne pomoći, dječiji doplatak/dodatak, alimentacije, naknada za porođilje i ortopedski dodatak.

Materijalni položaj studenta boduje se na osnovu prihoda po članu domaćinstva na slijedeći način:

- | | |
|--|-----------|
| a) prihod do 200,00 KM po članu domaćinstva | 45 bodova |
| b) prihod od 201,00 KM do 250,00 KM po članu domaćinstva | 40 bodova |
| c) prihod od 251,00 KM do 300,00 KM po članu domaćinstva | 35 bodova |
| d) prihod od 301,00 KM do 350,00 KM po članu domaćinstva | 30 bodova |
| e) prihod od 351,00 KM do 400,00 KM po članu domaćinstva | 25 bodova |
| f) prihod od 401,00 KM do 450,00 KM po članu domaćinstva | 20 bodova |
| g) prihod od 451,00 KM do 500,00 KM po članu domaćinstva | 15 bodova |
| h) prihod od 501,00 KM do 550,00 KM po članu domaćinstva | 10 bodova |
| i) prihod od 551,00 KM do 600,00 KM po članu domaćinstva | 5 bodova |
| j) prihod od 601,00 KM do 650,00 KM po članu domaćinstva | 1 bod |
| k) prihodi iznad 650 KM po članu domaćinstva | 0 bodova |

4. Student I godine studija - učenik generacije u završnom razredu srednje škole
Student učenik generacije, kao kriterij podrazumijeva, studenta I godine studija, koji je u završnom razredu srednje škole bio proglašen učenikom generacije. Student učenik generacije dobiva stipendiju samim podnošenjem prijave, bez obzira na kriterije predviđene ovim članom i članom 7. ovog Pravilnika. Student koji je jednom ostvario stipendiju po ovom kriteriju, ne može upisivanjem drugog fakulteta, ponovo ostvariti stipendiju kao učenik generacije.
5. Student – sportista
Student sportista, kao kriterij podrazumijeva, studente koji dobivaju stipendiju na prijedlog Sportskog saveza općine Busovača. Navedeni studenti dobivaju stipendiju bez obzira na kriterije predviđene ovim članom i članom 7. ovog Pravilnika, izuzev u dijelu koji se odnosi na obnavljanje godine studija i primanje stipendije od drugog davaoca.
6. Dodatni kriterij
Ukoliko se utvrdi da dva ili više studenta imaju isti broj/zbroj bodova, prioritet prilikom odabira ima student više nastavne godine. Ako se i pored toga utvrdi da su studenti na istoj nastavnoj godini, prioritet prilikom odabira ima student kod kojeg bude utvrđen manji prihod po članu domaćinstva.

V. DONOŠENJE I OBJAVLJIVANJE PRIJEDLOGA PRIORITETA

Član/Članak 13.

O postupku odabira studenata za dodjelu stipendije, Komisija/Povjerenstvo vodi zapisnik koji pored elemenata propisanih Zakonom o upravnom postupku sadrži i prijedlog odabranih studenata za dodjelu stipendije.

Zapisnik sa prijedlogom odabranih studenata dostavlja se Općinskom načelniku, koji donosi prijedlog prioriteta za dodjelu stipendije.

Prijedlog prioriteta iz prethodnog stava/stavka bit će objavljen na oglasnoj ploči i na web stranici Općine Busovača.

VI. POSTUPAK PO PRIGOVORU

Član/Članak 14.

Nezadovoljni student može podnijeti prigovor na prijedlog prioriteta za dodjelu stipendije. Prigovor se podnosi Općinskom načelniku, u roku od 8 dana od dana objavljivanja Prijedloga prioriteta za dodjelu stipendija, na oglasnoj ploči Općine.

Član/Članak 15.

U postupku po prigovoru, primjenjuju se odredbe Zakona o upravnom postupku F BiH.

VII. DONOŠENJE KONAČNE ODLUKE I POTPISIVANJE UGOVORA

Član/Članak 16.

Po završetku postupka po prigovoru, Općinski načelnik donosi konačnu listu odabranih studenata i pristupa potpisivanju Ugovora o dodjeli stipendije.

Konačna lista odabranih studenata bit će objavljena na oglasnoj ploči i na web stranici Općine Busovača.

VIII. ODGOVORNOST ZA NEZAKONITO POSTUPANJE

Član/Članak 17.

Ukoliko se nakon provedenog postupka za dodjelu stipendije, na bilo koji način utvrdi, da je student dobio stipendiju podnošenjem falsifikovane dokumentacije, davanjem lažne izjave ili primi stipendiju od drugog davaoca u BiH ili inostranstvu/inozemstvu, prekine studije prije kraja školske godine, odmah će se pozvati na raskid ugovora o dodjeli stipendije i vraćanje cjelokupnog iznosa dobivenog na ime iste.

U slučaju da se student ne odazove na poziv za raskidanja ugovora, u skladu sa Zakonom, pred nadležnim sudom pokrenut će se postupak za naknadu štete.

Član/Članak 18.

U slučaju da Komisija/Povjerenstvo, na način protivan odredbama ovog Pravilnika namjerno omogući dodjelu stipendije studentu koji ne ispunjava neki od predviđenih kriterija ili studentu koji uopšte/uopće nije podnio prijavu, smatrat će se da je izvršena povreda službene dužnosti prema odredbama Zakona o državnoj službi, te je ista, u skladu/sukladno Zakonu, dužna nadoknaditi nastalu štetu.

Član/Članak 19.

Za provođenje ovog Pravilnika odgovorna je Komisija/Povjerenstvo, a nadzor nad radom iste vrši Općinski načelnik.

Član/Članak 20.

Izmjene i dopune ovog Pravilnika vrši Općinski načelnik na inicijativu Komisije/Povjerenstva za provođenje konkursa/natječaja za stipendiranje studenata.

Član/Članak 21.

Donošenjem ovog Pravilnika prestaje da važi Pravilnik za dodjelu stipendije broj: 06-34-2-1433-2/23 od dana 17.03.2023. godine, donesen od strane Općinskog načelnika.

Broj: 06-34-2-1257-2/24
Busovača, 05.03.2024. godine





Bosna i Hercegovina
Federacija Bosne i Hercegovine
Kanton Središnja Bosna / Srednjobosanski Kanton
OPĆINA BUSOVAČA



ul. 16. august/kolovoz bb, 72260 Busovača, telefon 030 732 152, fax 030 733 038, e-mail: opcina.busovaca1@tel.net.ba

Općinski načelnik

Broj: 06-34-2-1257/24
Busovača, 04.03.2024. godine

Na osnovu/temelju člana/članka 38. Statuta Općine Busovača – prečišćen tekst („Službeni glasnik Općine Busovača“ broj: 8/13), Općinski načelnik d o n o s i

ODLUKU o broju i visini stipendija u akademskoj 2023/2024. godini

I

Utvrđuje se, da će se u akademskoj 2023/2024. godini dodijeliti ukupno 40 stipendija.

II

Stipendija će se isplaćivati u 10 (deset) jednakih mjesečnih rata u novčanom iznosu od 200,00 KM .

III

Odluka stupa na snagu danom donošenja.



OPĆINSKI NAČELNIK

Asim Mekić, dipl.ing.